



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 三九八

自怡集十二卷 吳錫麟 撰

一

紅葉山房稿二卷（古文一卷詩一卷） 朱嗣韓 撰

一一七

思亭詩鈔八卷思亭文鈔二卷思亭賦鈔二卷 顧 埜 撰

一五五

靜菴文集四卷靜菴詩集六卷 左 眉 撰

二七三

述園遺藁五卷 晏善澄 撰

三九五

向日堂詩集十六卷 陳 寅 撰

四八一

自怡集

惠連居歲反

余平生無他技幼即喜習韻語其選詞辨格藉見誘掖而玉成之自弱冠以來佳辰良夜余兩人對案倡酬門以內怡怡如也逮兄名列賢書公車重累出依蓮幕從此聯吟之日少而分襟之日遂多也既而秉鐸浙東十有五載最後改官嶺表梯山航海不獨吹隔壘篋而余與兄俱已景過桑榆矣去歲除夕喜得旋里執手欣然出篋中所刻嶺南集二卷并歸舟雜詠廿餘首洛誦數過知其間風土山川軍國民社凡八年中所歷張膠漆之存亡訂金蘭以贈答耳聞目覩並寄於懷真天下有情人之筆墨也嗣和余壁上春日坐靜怡堂課讀舊作囑源姪云此詩暨原倡與歸舟雜詠胥宜續刊嶺南集後姪謂兩詩當入歸田集茲何急急也兄顧而微笑若豫知玉樓之將赴召者念兄年雖長余三齡其精力實勝余十倍方期醉月坐花共娛遲暮不意遠道還家聚首四句和詩一什竟成絕筆追思往事何痛如之在昔穎濱跋東坡遺稿有流涕濕冠纓之句近阮亭撰感舊一集錄西樵之詩而淚下蓋同氣情深不忘身後古今人不甚相遠也用述前言敬遵治命以妥先靈

嘉慶十二年歲次丁卯清和月朔日第錫鳳拜序

竹泉吳君以浙西名孝廉爲嚴州遂安學博余撫
浙時識之既余節制兩廣竹泉檢補粵東鹽筴官
來謁公餘出其所爲詩自怡集十二卷乞序余發
而讀之五古胚胎漢魏七古宗法少陵近體則泛
濫於唐宋元明不拘一格嘗見竹泉之於章奏尺
牘善達人難達之隱嘆以爲不可及今其詩之蘊
藉含蓄如此洵乎能者之無不有也雖然文學政
事聖門分爲兩科實相爲表裏竹泉毋徒以詩人
自命可耳長白覺羅吉慶撰

題詞

竹泉同年不相晤者幾三十年矣今同官廣文於睦州出寓藁見示爰題長句請正

卅載同年感隙駒而今各自號潛夫流光冉冉消黃卷玉貌亭亭變白鬚雞肋功名肥苜蓿鴛湖詞翰小長蘆補唇晞髮人何在相與高歌酒百壺

年寅弟仇養正拜題

高山流水千年定遇知音白雪陽春一代難求同調苟乏郢人之望鼻或譏越女之奉心刻燭誰長操觚匪易乃有鴛湖名宿共噪英流新定諸生幸叨雅化開鱣堂而講學不計囊空懸馬帳以談詩何妨種冷城邊夕碓遂邑縣多水淺民間率依水爲碓入夜聲響之聲不絕佐微雲疎雨之思枕畔晨鐘縣治東有對聲樓上里間十續殘月曉風之句勝迹之摩挲殆遍巖也効靈名山之題詠絕多石兮解語靈岩語石皆在安名勝斯固粉曹蓮署遜此清華不徒龍水在城東獅山在縣後傳爲韵事者也廣雕蟲自媿吐鳳難儔分末光於廣昌百拜跋

翡翠筆床邀餘盼于珊瑚詩篋高挹三株之樹景仰維殷如登羣玉之峰掄揚不盡若呼賈舶雞林傳夫子之名試問旗亭樂部唱誰家之曲受業毛廣昌百拜跋

自怡集目錄

卷一

古今體詩六十九首

卷二

古今體詩七十首

卷三

古今體詩七十三首

卷四

古今體詩八十五首

卷五

古今體詩六十八首

卷六

古今體詩四十九首

卷七

古今體詩八十四首

卷八

古今體詩六十七首

卷九

古今體詩四十九首

卷十

卷十一

古今體詩六十八首

古今體詩八十一首

卷十二

古今體詩一百六首

自怡集卷一

乾隆癸酉
至辛巳

嘉興 吳錫麟 上麒

丁仙閣

靈蹟傳延祐。仙人鶴馭遙。吳山山缺處。飛閣駕岩
巖。對宇嵐光落。嵌空石勢驕。個中忘順逆。抱膝想
孤標。野鶴抱膝而遊順逆
兩俱忘即其偶言也

歸舟憶西湖

謝村行過又塘棲。舵尾青山望欲迷。一樣夕陽芳
草路。如何不是白蘇隄。

舞蛟石歌

小庭不合蹲虎豹。泥乃蜿蜒屬。蛟龍蟠深山。大
澤陡然開異境。一峯攫拏天矯直。欲掀狂濤蒼
洞裂。長康宅。鱗爪飛揚廣六尺。松雪篆籀亦神
奇。斑斕相映苔花碧。轉徙移入荒祠中。陰霾晝晦冰
夷宮。影暗畫梁晴拂雨。月明塵榭夜號風。藤蘿盤
錯蒼煙古。靈異豈終埋小圃。一朝破壁翻江河。君
不見。昆明之鯨臨平鼓。

病中七夕

縹嶺吹笙夜。銀河渡鵲時。如何只臥病。坐失此佳
期。絡緯秋前健。水螢窗外移。雨聲清煩暑。爽致却

相安

聞雁

不覺北風峭。空庭聞雁鳴。一聲起天末。疎影杳雲
程。絕塞征人淚。高樓少婦情。數行嘹唳處。遠樹夕
陽明。

春日閨詞

鬟髻妝殘掩鏡臺。軸簾斜日落莓苔。緋桃欲折還
留却。爲愛一雙村裏來。

樵父詞用儲太祝韵

斧斯來谷口。藤蘿繞高枝。深林人跡稀。岐路心自

自怡集卷二

十一

知遙嵐滴空翠。隔溪鳴姊歸。村落十數家。結構都
茅茨。擔薪日已暮。藥若垂苔衣。三襲與再成。心坦
徑不危。流水杳然去。閒雲無是非。

牧童詞用儲太祝韵

荏苒綠如染。一逕隄隈深。眷彼耳濕濕。麾肱遂初
心。泰風來何徐。淡泊動虛襟。所喜朝暾爽。平遠破
濃陰。杏花媚新色。遙指誤桃林。長笛兩三弄。聊繼
扣角吟。好鳥自唱酬。莫謂無知音。

過辯香閣故址

我鄉肥遯多耆碩。首數空山居士賢。構得一椽臨

水滸未當五世已桑田。日斜芳草牛羊路。雨灑春
蕪羃歷煙。擬欲招魂歌楚些。只應秋菊共寒泉。

嘆

徙倚門前望。輕煙暮色中。來朝知不雨。日脚有殘
紅。歸鳥噪深樹。疎篁鳴晚風。邨扉猶未掩。爲待牧
牛童。

今年

今年時序早。二月綠陰成。紅雨一宵過。好風十倍
清。朱嫌孤館寂。乍喜夾衣輕。勝友如相訪。雙柑擬
繫鶯。

野田黃雀行

杖策北邙坂。黃雀何紛紛。農家方築場。飛鳴引其
羣。雨後飢已久。嘉蔬良可欣。集處恣飲啄。歛然驚
且哀。喬木陰森中。振翮蒼鷹來。寄言鷹弗歡。弋人
伺河干。

秋日田園雜興四首

田園我素志。景物況初涼。北風速歸雁。枯桑冷斜
陽。但期侶農圃。何必傲羲皇。行止無不可。沿溪愛
清光。

小雨積一月。苔痕上窗櫺。衰草宿蝴蝶。澄潭點蜻

蛉。冥心惟觀化。結契貴忘形。安得乘朝露。泛舟裴
公汀。

羅含植蘭草。仲蔚戀蓬蒿。古人雖已遠。芳躅寧不
高。曠志在賢達。卑棲無憂勞。農夫荷鋤返。隔水聽
松濤。

築場期已近。社鼓聲填填。黃雲覆穰穰。清氣森林
泉。野店酒方熟。東籬花正妍。願言招所好。細酌賓
鴻天。

偶述二首

孤矢志四海。立身寧守株。讀書慕皇古。梗概何當

殊。出處本一理。信斯惟在吾。巖壑非獨高。廊廟非
獨污。嗟彼沮溺流。藏拙甘潛夫。

海鳥曰爰居。飛飛麗蒼穹。一朝折其翼。下集東山
東。黃雀羣侮之。垂首蒿萊中。四序有代謝。人事無
終窮。養晦豐羽毛。翻然翔天風。

善哉行

晝彼流泉。滔滔終年。逝者不返。寓形皆然。靜觀自
得。庶幾達天。午橋有圃。綿上有田。千百世下。蔓草
荒煙。忽忽不樂。日月其遷。爰佩蘭茝。載攜冰弦。以
遨以遊。如挾飛仙。我馬既臧。歷乎太行。左揖求點。

右侶惠莊對酒浩歌。歌聲慨慷。天高地迥。莫子云狂。

胥山懷古

清秋杖策胥山顛。屢屨獨立迷桑田。遙睇崑崙涉
頗峻。荒祠榱角凌蒼煙。越有文種吳伍子。謀國嘉
謨兩相似。狡兔既盡走狗烹。此不成功亦甘死。循
環報復理有常。夫差昏暴同荆王。鞭尸餘恨今已
矣。吳門掛目愁茫茫。烽火樓高淪草澤。馬臯城遠
成阡陌。惟有陰霾漠漠暗重岡。千古常遮試劍石。
語溪

懷古來中涓莽。戾野望不見語溪館。溪流自沈
澹。憶昔吳越時。臨軒氣悲壯。雄兵出禦兒。干城皆
名將。往事經劫灰。傳聞頗易誑。育女以名亭。眞僞
何從訪。寒風颯然吹。徘徊增惆悵。

秋日同人航庵看灌菊

禪關擅幽邃。晴軒面湖干。中有羲皇人。閒閒十畝
寬。抱甕勤灌溉。菊叢繞迴欄。日余嗜岑寂。佳色心
所懽。成趣藉勝侶。永日恣盤桓。於時適秋仲。金風
生微寒。莫以南山遠。猶作東籬看。高會誠可樂。合
并良獨難。預擬題糕節。落英來共餐。

橋李亭懷古

茫茫橋李城。吳越已千古。憑眺歷西郊。有亭宅曠
土。往事稽春秋。荒原曾用武。閭閻亦人傑。交鄰積
盛怒。兵連遂不解。爲沼悔奚補。霸業委滄桑。名勝
淪榛莽。至今瓦礫中。燐火深夜聚。空餘三過堂。北
風冷環堵。

顧逋翁洗研池

我懷華陽隱。高名千載垂。結廬橫山畔。洗硯滌湖
漚。至今一泓水。荇藻永不滋。溢涸兩無患。微風動
差差。選勝聊溯洄。墨浪翻方池。安得劉隨州。重擬

過訪詩

題真如寺壁

寺門寂寂翠陰遮。指點當年裴相家。行過石欄苔
色淨。半庭小雨落松花。

源兒就傳日口占示之

角巾尚頑癡春衫拜塾師。醜夷爭所戒典謁事須
知。愛日當分惜爲山累寸基。而翁頽惰甚前鑒卽
於斯。

初冬同陸希堂南窗弟航庵晚眺

幽懷忽不愜。寒風颯然起。駕言攜所懽。暮色來湖

埃古殿明佛龕芙蓉隔遠水松濤恐歸禽長歌牧
牛子靜中參世故征逐方無已我儕何爲者落落
乃自喜緇維陶靖節三徑樂如此此景期勿忘此
意貴永矢

讀詩絕句十三首

風調已曾傾大業無心那復計詩名先生自有床
頭易怪底靈龜卜履貞
輕縑素練比難真翠羽孤鴻絕點塵豈獨立朝風
度好還將餘技冠詩人

識曲逃禪絕世姿鬱輪袍達主家知如何紅豆相

自怡集卷一

七

思恨偏在秋槐葉落時

龍標高格擅丰神花露松風物外身一片冰心誰

領略旗亭愁殺按歌人

愛奇務險思精深短褐空懷遲暮心好是斧聲巖

壑句流傳千載有知音

月脇天心語必奇詆諧涉世亦如之却因苑水東

流日觸忤多情宮女悲

中郎久已賦閒居夜半無端客叩門多謝春風爲

介紹底須捷徑費苞苴

山鬼詞邊譜竹枝元都桃樹慣聽枝春風一曲腸

堪斷可忍重吟大好詩

不愛浮屠却愛仙獨將清瘦矯時賢牛羊日暮尋

常事博得當年大尹憐

豪艷心清剛直才詩篇叔季振傾頽武陵自是真

知己那管筵前紅粉迴

八又小賦成何敏一卷南華記更强才大世間容

不得莫教錯怪接輿狂

依人王粲等鴻泥曾向天街聽鼓鼙清絕一言時

記取謝公詩思碧雲低

爾衡自命真堪痛四海徒知金榜尊我未成名君

自怡集卷二

八

未嫁有才千古哭斯言

鳴鳳庵看牡丹題壁

紅紫風前劇逞妍尋芳也學海棠顛花時記得曾

來此斷送春光又一年

擬田家畱客

牧童橫笛慈烏起有客戾止夕陽裡寄言人客莫

倉皇竹外茅檐隔溪水年來豐稔足雞豚瓦盆濁

酒古諠敦忽見寒光滿山谷田家別具桃花粥小

彪聲遠松濤幽一枕酣酣清且熟明當放艇釣魚

磯兩岸垂楊送雨歸

同人遊朱翁子墓

寶地枕幽湍塔鐸鳴不已來遊適初夏綠陰滿槐
市聲無山林勝愛茲邱壑美指點道荀阡細懷朱
長史在昔漢武時飛芻驚萬里朔方害已漢東越
覺更起作俑誰之愆嚴助與翁子始疑百年隱終
貽御妻恥睚眦何瑣瑣履凶亦應有骸骨埋空門
恩讐付逝水寄言同心人熱中鑒伊邇

幽居

幽居聞鳥喧竹露滴方曙扁舟擬出郭生憎俗人
倨不如把犁鋤課兒種薯蕷自分老園官頭銜或

可署

烏棲曲

城烏飛飛集淡竹繁霜欲下寒風肅行人十載染
緇塵布被且從車下宿

賽神曲

禾稼納後農工成糟床壓酒春雨聲烹羊魚羔獻
野廟再拜頻祝簫車盈巫傳神語告田父此地有
年誠自古但令報賽無愆期倉積糾紛如百堵蠻
簫悠揚土鼓喧更將雞豕散前村阿翁沈醉不歸
去閒坐晴軒弄稚孫

荷花次南窗韻四首

柄柄輕搖度影長葛衣消受一庭涼年來入社渾
無事晏坐惟聞鼻觀香
澹風蒸暑間陰晴磁盃淪漣一掬盈不是水宮仙
子麗明窗誰伴玉壺清
名花消夏宛回春波面低颺羅襪塵爲問衣裳堪
製否隔江盼斷采蓮人
獨立娉婷晚更宜幾回作態雨餘時憑誰移作山
中漏好助分曹刻燭詩

紫陽山望江歌

江氣逼雲雲作雨洪濤森森撼天宇荀輿停處午
潮鳴馮夷御風擊鼉鼓紫陽峯峻出重城隔岸山
川纔一縷安得三千水犀手凌波急發錢王弩
三生石

孤
莫話輪迴事三生石有無但看雲斷處陡絕一峯

韜光庵

西陵名勝同方蓬一日一回看不足此間巖谷幽
更幽回山壁立行徑曲欲盡韋鑾畫中趣賦景忘
却騎影促僧廚好事遶而巧剏竹引水水如醪修

篁蔽天清晝陰澹風吹人鬚鬢綠其上更有煉丹
洞洞裡傳聞閔仙籙追尋但取泉石佳傳會或者
出庸俗何當投杖葛陂中坐聽流泉憂寒玉

表忠觀

榛莽搜殘碣千秋溯表忠不因分鐵券誰與仰雄
風草昧騰驤志東南保障功至今羅剎畔餘烈靖
蛟宮

飛來峯

寺門一峯嶄然起千巖萬壑無其比流泉瀉石石
角銳晝夜不舍乃如此我聞峩嶇華嶽峙寰中疑

自怡集卷一

二

然兀立無初終豈有鬼疑曉帆破空能飛去乃與
鷹隼鵬翮爭摩風老僧導我窮微妙晴天却待然
犀照晃朗分開混沌天烟靄欲迷蚯蚓竅君不見
五丁開山山骨傾六鰲負地地軸平造物渾淪有
元氣偶於崩劣鍾精英西湖風景劇秀出部序山
經推第一不愁空翠濕衣裳探幽恰稱清秋日猿
鶴無心繞樹間綠蘿滿眼不堪攀山靈縱有飛來
意天地茫茫何處還

雷峯塔歌

雷峯兀立山之顛顚延遠望如一拳就中諦視心

茫然陰霾拂拂生雲烟構造疑鬼亦疑仙不以巨
木獨以磚陸離古色翻新鮮燐火照樹霞沉淵又
如赤龍夜抱頰虬眠光燄上燭徹中邊不然暗啞
叱咤焚宮年咸陽一炬今縣延行人但愛山水妍
誰從僻徑披連蜷我將於此築數椽坐對斜陽掛
塔前浮名瑣瑣俱可捐何用慈恩寺裡傳

歸途

去日清秋水歸途黃葉林自憐無寶玉空解挈囊
琴喜懼他鄉意寒暄老母心萍踪得好友今夜夢
重衾

謂楊通之汪
湛斯二君

自怡集卷一

十三

秋興四首和家趣園韻

拂拂金風送暑微誰家砧杵擣寒衣剡溪香裏茶
初沸彭澤花時燕已歸養拙且安今日是忘機遑
惜去年非魚莊蟹舍生涯慣猶有桐江舊釣磯
冷眼平生笑熱中蕭辰幽賞與誰同百年計等駒
行促萬里程輪雁影通菱采湖邊歌水調笙吹樓
上聽松風取攜無限清光在芋栗山家不厭窮
巖壑西陵得飽看歸來差喜竹平安二年故業憐
張倬半夜元機失嬾殘村釀秫豐欣小醉征衫絮
敗怯輕寒惟餘老子南樓興坐對花陰月滿闌

一雨分山萬象清竹爐幽擬玉川生車停隔岸看
楓葉影落空潭照錦城投筆志隨朝露化聞雞心
與午潮平閒窗漸覺秋陽淡却怪天工亦世情

作蠶絲

蠶房三日啟作繭如瓊林持將絲比妾誰諒纏綿
心

孤兒行

孤兒泣殘燈形影自相睹阿兄雖見陵勝謂他人
父

展先嚴墓

展墓來乘百五期棠梨如幕雨絲絲照人古道猶
堪憶隔夢衰顏不可知薄俗眼前驚虎豹輕寒塚
上倚狐狸九原望斷瀧阡表鳴鶴空教感隱之

春杪訪樸庵上人

已公茅屋枕溪流一葉來尋放鶴洲日午不知飛
錫處灑窗花雨綠陰浮

岳忠武墓集杜

自古求忠孝如公復幾人英雄餘事業鷹隼出風
塵王室比多難陰謀獨秉鈞豈無嵇紹血染淚在
叢筠

題趙承旨畫馬集杜

畫手看前輩先生藝絕倫應圖求駿馬此物在風
塵衰老悲人世馳驅喪我真舉鞭如有問回首一
傷神

噴壺

愛此陶人埴能將大澤施細傾雲液潤欵灑玉容
滋展自羊腸急來從蟹眼遲霏微花外霰霏霏扣
中絲菜甲餘膏及園丁際曉持用惟需藝圃竭更
挹平池不事雲霓望偏將雨露私碎聲鈴響答清
淚月光移紅雨初沾後芳條乍濕時價同磁斗儉
瀉共綵旛吹抱甕人嫌拙連筒法尙遺桑林如待
禱攜爾上天墀

食蟹

秋風砭人肌利如劒出匣我本江湖人意與烟波
狎雖非畢茂世持螯興不乏郭索響屑蘆不鱗而
帶甲漁庄竹簍取入甕花磚壓用待不時需醃薑
循古法方爾穴居時橫行物盡怯乃與七箸會嗟
哉世路狹食罷感茫茫人生熟羊腩

去閒坐晴郊弄稚孫

荷花次竹邨韻

柄柄輕搖度影長葛衣消受一庭涼年來入社軍
無事晏坐惟聞鼻觀香

澹風蘇暑間陰晴磁盤淪漣一掬盈不是水宮仙
子麗明聰誰伴玉壺清

名葩消夏宛回春波面低颺羅襪塵爲問衣裳堪
製否隔江盼斷採蓮人

獨立娉婷晚更宜幾回作態雨餘時憑誰移作山
中漏好助分曹刻燭詩

立秋

自怡集卷二

五

風風雨雨送殘暑軒牕蕭瑟生微涼安得破空騎
電掣相與叉手捫天章爽氣逼人寥宇濶雲影蹴
浪南箕揚中郎太尉俱已矣歌哭一任狂夫狂

寄贈盧源進

閩天越嶠兩依依絳帳當年事已非况是蕭辰觸
幽抱一繩新雁度斜暉

鴻踪萍跡詎非緣一別音塵動隔年珍重秋風各
努力看誰先著祖生鞭

紫陽山望江歌

江氣逼雲雲作雨洪濤森森撼天宇筍輿停處午
潮鳴馮夷御風擊鼉鼓紫陽峰峻出重城隔岸山

川繞一縷步得一千水尾手泛波忒發錢王弩

三生石

莫話輪迴事三生石有無但看雲斷處陡絕一峰
孤

輜光菴

西凌名勝同方蓬一日一回看不足此間巖谷幽
更幽四山壁立行徑曲欲盡韋靈書中趣賦景忘
却駒影促僧厨好事逸而巧剝竹引水水如醪脩
篁迷天清晝陰澹風吹人鬢鬢綠其上更有鍊丹
洞洞裏傳聞闕仙籙追尋但取泉石佳傳會或者
出庸俗何當投杖葛陂中坐聽流泉戛寒玉

表忠觀

榛莽搜殘碣千秋溯表忠不因分鐵券誰與仰雄
風草昧騰驤志東南保障功至今羅刹畔餘烈靖
蛟宮

飛來峰

寺門一峰嶄然起千巖萬壑無其比流泉瀉石石
角銳晝夜不舍乃如此我聞峨嵋華嶽峙寰中凝
然兀立千古同豈有鬼臬嶮嶮破空能飛去乃與
鷹隼鵬鵬爭摩風老僧導我窺微妙晴天却待然
犀照晃朗分開混沌沌天煙靄欲迷蚯蚓窺君不見
五丁開山山骨傾六鰲負地地軸平造物渾淪有

元氣偶於勛男鍾精英西湖風景劇秀出部序山
經推第一不愁空翠濕衣裳探幽恰乘清秋日猿
鶴無心繞樹間綠蘿滿眼不堪攀山靈縱有飛來
意天地茫茫何處還

杭州懷古

翠羽明璫委逝波年年風雨泣銅駝行人莫問官
家事不及孤山處士多
葉落秋山清復清五更鼓角起嚴城咸淳師相魂
如在忍聽南朝蟋蟀聲

雷峰塔歌

雷峰兀立山之巔頽垣遠望如一拳就中諦視心
茫然陰霾拂拂生雲煙構造疑鬼亦疑仙不以巨
木獨以磚陸離古色翻新鮮燐火照樹霞沉淵又
如赤龍夜抱頰虬眠先燄上燭徹中邊不然暗亞
叱咤焚宮年咸陽一炬今縣延行人但愛山水妍
誰從僻徑披連蜷我將於此築數椽坐對斜陽掛
塔前浮名瑣瑣俱可捐何用慈恩寺裏傳

歸途

去日清秋水歸途黃葉林自憐無寶玉空解挈囊
琴喜懼他鄉意寒暄老母心萍踪得好友今夜夢
重衾

秋興和吳趣園韻

拂拂金風送暑微誰家砧杵擣寒衣剡溪香裏茶
初沸彭澤花時燕已歸養拙且安今日是忘機遑
惜去年非漁莊蟹舍生涯慣猶有桐江舊釣磯
冷眼平生笑熱中蕭辰幽賞與誰同百年計等駒
行促萬里程輪雁影通菱采湖邊歌水調笙吹樓
上聽松風取攜無限清光在芋栗山家不厭窮
巖壑西陵得飽看歸來差喜竹平安三年故業還
莊夢半夜元機失嬾殘邨釀林添欣小醉征衫絮
敗怯輕寒惟餘老子南樓興坐對花陰月滿闌
一雨分山萬象清竹爐幽擬玉川生車停隔岸看
楓葉影落空潭盡錦城投筆志隨朝露化聞雞心

與午潮平閒聽漸覺秋陽淡却怪天工亦世情

作蠶絲

蠶房三日啟作繭如瓊林持將絲比妾誰諒纏絲

心

孤兒行

孤兒泣殘燈形影自相睹阿兄雖見陵勝謂他人
父

九日集杜

遠岸秋沙白生涯獨轉蓬亂雲低薄暮一雁入高
空濁酒尋陶令遊山憶謝公年年小搖落此日意
無窮

綴席茱萸好皆知屈宋才且隨諸彥集但愧菊花
開落日心猶壯歸林鳥却迴藩籬無限景會有故
人杯

咏芋集杜

紫收岷嶺芋風俗當園蔬畎畝孤城外西郊白露
初漸知秋實美真作野人居掛壁移筐果吟詩正
憶渠

秋日漫興集杜

養拙江湖外川原欲夜時鳴蜩隨泛梗宿鳥擇深
枝漫作潛夫論多慚鮑叔知寒花開已盡排悶強
裁詩

自怡集卷一

門巷落丹楓形骸痛飲中不成尋別業猶作一飄
蓬失學從愚子誅茅問老翁義和冬馭近拾穗許
兒童

柴門古道旁隨意宿僧房阮籍行多興何暇好不
忘野橋分仔細沙草得微茫病葉多先墜同時待
菊黃

幽棲誠簡畧日暮且踟躕身世雙蓬髻乾坤一腐
儒高風下水葉花藥上蜂鬚支策門闌邃香醪嬾
再沽

寒日經檐短耕巖進奔基畏人成小築行蟻上枯
梨用拙存吾道論文笑自知晚來高興盡步履過

東籬

除夜雜感集杜

寂寞書齋裏椒盤已頌花尋常絕醉困倏忽又春
華多病加淹泊吟詩解嘆嗟共誰論昔事列炬散
林鴉

依藥臘前破山扉花竹幽春城迴北斗高枕對南
樓過嬾從衣結長貧任婦愁終思一酩酊意氣逐
吳鉤

令節成吾老菁華歲月遷生涯已寥落陶冶賴詩
篇世路知交薄空林暮景懸年終頻悵望把酒意
茫然

自怡集卷一

展先嚴墓

展墓來乘百五期瀟瀟暮雨灑棠梨照人古道猶
堪憶隔夢衰顏不可知薄俗眼前驚虎豹輕寒塚
上宿狐狸九原望斷龍阡表鳴鶴空教感隱之

春杪訪樸菴上人不值留贈

已公茅屋枕溪流一葉來尋放鶴洲日午不知飛
錫處灑牕花雨綠陰浮

七夕集杜

今朝烏鵲喜風浪與雲平爽氣金天豁人間月影
清野花留寶靨虛閣自松聲牛女年年度秋期復
遠行